

槎容通筒集

和書門

和書門	二六九三七	函	三五	架	三	冊
-----	-------	---	----	---	---	---

和書	三五九三七	冊	三	架	五八	函
----	-------	---	---	---	----	---

(三冊)

内閣文庫		
番號	和	26937
冊數	3 (3)	
函號	178	589



內閣
圖書

同

槎客通簡集卷三

中興光雲英中和尚畫像讚

平泉

淺草文庫

南禪嫡傳北院真詮弘此法門曠彼羣昏可
化者形不滅者靈鬱彼芝丘雲月千秋孰寫
其真弟子頤神誰讚其圖東韓使乎

同

靖菴

竺教西來自中夏而流東極嗟哉賢師卓乎
善識回慧日於暘谷注法雨於海域形獨寓

於繪素道孰尋於空色

三友同來自中

南岡

水流而月長印薪窮而火猶傳繫師之慧性
不浪登獨遺像之儼然

一日攜我英中老師頂相一幅就三官
大人謹請繫一辭于其上各公欣然而
書讚見惠其心聲墨妙不勝欽服嗚呼
發揮我師之遺德者三大人也因賦野
偈聊抒謝悃三首

別宗

其一 酬正使

山河大地我師真無相々中面目新定裡正
知開笑眼微言讚尺樂浪人

其二 謝副使

宏才懋屈逞雄毫親為老爺加稱褒身後憑
君軫德色岁莫芝嶽更增高

其三 酬從事

雄才揮筆動清風曼玉鏘金贊我翁昨夜塔
頭揚瑞氣晴虹万丈映寒空

送三使大人 并引

別宗

今茲辛卯之夏趙公任公李公三使相恭
承朝鮮國王殿下大命遠使于弊邦聘禮
克始克終僉曰使哉使哉山野不意奉我
王命護衛行路於戲二使相君子之人
而愛人以德不棄卑陋萬里相親恰如骨
肉其交也不讓艾許陶遠之輩今已臨別
心苦肝酸不忍辭去只恨迢遞木道不得
相伴矣因綴長篇一首以充陽關幸勿叱
擲

大哉君子國萬里隔天涯地廣民無乏穀豐
土所宜西垠漫鴨綠東際接天池巍爾檀君
廟儼然箕子祀治和嚴法令紹襲介繁禧鼎
峙爲三國瓜分鎮四陲徐隆開百濟王建
高麗徐伐并而立朝鮮艾且夷曾成蠻觸鬪
恰似魏吳時葩秀戰其死利孫力整師霜來
還露往物換又星移八道皆歸一羣黎永祝
釐秦朝存舊號勤政正官儀布澤恩霖鴻有
威風草靡流頭爲禊飲歲拜賀期頤冠服從
華制文章論楚辭崇儒師孔孟積德邁軒羲

木覓高鍾秀漢陽興關基宮樓輝宇宙庭沼
貯漣漪三角浮祥氣五冠挂赫曦喬松橫絕
壑脩竹引涼颺豪傑選文士耆英岑宰司太
平新製頌堦率好歌詩清潔蒿精紙輕堅麻
浦瓷銅烏香藥飯賜燕舉瓊卮文廟聖明學
成宗灑澍詞植櫻彰孝忱詠橘吐新奇兎嶺
青參靠蚊川翠渺瀟境佳生好種人傑挺英
蕤紅蛤充嘉膳紫參蕪病羸神功冠衆藥靈
驗越仙芝五葉中華少三楹萬國知昔聞扁
鵲術今見貴麟醫別有長生訣頓除累劫縻

獅巖欽老本鳳嶺想僧不注水流東漸怒雲
覆四垂轉經齊奏樂創寺幾彫碑空裡湧金
塔林中響鐵鎚納涼臨漢水禱雨仰峨眉園
暖花開早峰回月出遲誰樓侵斗起畫檻倚
天危鸞鶴巢蒼柏虎彪嘯碧崖姓宗任趙李
地絡竺柔支隣好久無爽舊盟固益采我
王今已立使者特遙來縱纜金洋上繫纜藍
鳴湄層瀾涵旅袖宿雨濕愁眉和霽櫓聲發
駕風帆影歌陽侯能守護海若爲扶持蒲際
羣鷗瀟蘆邊雙鷺珠璣胸次富錦繡筆端

搗木德乾坤重聲名遐邇馳亦間關寂寞明
石浦參差安帝波中恨人丸霧裡思飄搖廻
揖棹揚曳列旌旗處處嚴開館村村盡掃岐
朱甍併畫棟鏤檻又文棹到岸齊投石向秋
忽脫絺商飈悲肅殺爽氣嘆妻其楓淅錦千
樹菊芳玉一籬設筵繡絳帳羅鼎薦香炊瑞
日曛曛耀祥風陣陣吹何時當北向取路正
東之鏡嶠磨明月琶湖漾碧璃戛金還振玉
結駟復方斲座上安關帖吟中岸接羅思鄉
情怒感爲客淚漣漣土岳籠煙靄箱峰攀險

巖岸高猿亦畏路杳馬應疲八十里長坂億
由旬素彌潭澄開碧鏡瀑掛亂銀絲來奉相
如壁行乘大禹標寒暄追電改草木飽霜萎
玉節綠槍列芒鞋竹杖隨打談揮塵尾通語
用毛錐彷彿從形影依稀吸鐵磁慚羞樛櫟
質瞻視棟梁姿王命難蟬蛻官塗無翼爲
雖看招隱賦元乏買山資未辨菽兼麥豈分
駟與驪驛程蒙顧眄宴席作夸毘卓犖遙離
俗徜徉素不羈名文應去鱗健筆耐架螭傳
信書高捧登城車脂門中陳寶馬庭上走

珠綦作舞臺，翔鳳詞音樂。乳嬰終朝蒙寵遇，
滿座共娛嬉。帶礪雙邦穩，鑿耕萬井熙。恭承
珍產賜，卽得玉階辭。進退咸全禮，周旋正中
規。歸程寒徹骨，通夜粟生肌。京洛再留駕，擣
津倏解維。雖修膠漆契，奈有別離期。心緒亂
千結，愁襟逢百罹。何年重得會，他日復歸誰。
深識仁人意，善言爲我貽。

別賦一絕奉呈三官大人以賀錦旋索

和

別宗

清曉雪晴，祥日輝。喜看星旆向西歸。重溟迢
遞五千里，一片錦帆自在飛。

次別宗大師日昨寄示之韻

平泉

長河瀾瀾，月流輝。杖錫沙頭相送歸。極目雲
波五千里，可憐鳧鳥北南飛。

和寄別宗長老道案

靖菴

刀頭明月正浮輝。汎海星槎萬里歸。便與高
僧三笑別，天濤雲雨各分飛。

奉謝別宗大師贈別之韻

南岡

暮天寒日淡無輝行子孤帆悵獨歸想得遠
公三咲罷翠微深處短筇飛

送東郭李公歸朝鮮

別宗

終年相伴驛程中竹杖芒鞋西又東別後海
山千萬疊樓頭幾度望遙空
奉次別宗大師贈別韻

東郭

鶴骨依依在眼中夜深晴月小樓東歸心不
逐窮陰盡帆帶寒雲映碧空

餞同知崔公以摠惜別之情崔氏名尚

能通和語

別宗

譯舌相通兩國情言辭清朗事分明脩程於
我交尤厚可惜明朝萬里行

餞洪巖南二記室歸朝鮮

別宗

萬里追隨經幾寺山川佳處燃吟髭莫嫌叙

別到晨鼓吹，身處天一涯。

小絕一首送長雙南君歸朝鮮以代簡

別宗

相逢之處又相離，浪速津邊折柳枝。
賴有先人舊知識，感君孝志寄新詩。
轉達松堂和尚贈詩故云然
有思滄浪洪君作，詩託東郭詞伯以寄。
渴望之情。

別宗

往歲盍簪洛水，東幾看梅葉。寒風萬程無路，夢繞到兩地。隔天信不通，每把舊題知句。

妙遙懷高誼，羨才崇如今。正值星槎返，為寄相思詩一筒。

追感一首呈三使大人 并引

我殿下所贈屏風有佐々木三郎源謹

盛綱 渡海圖三郎我遠祖兵部 諱秀義之

第二子也。往昔戰爭之日，直渡藤戶海而為先登。武名偉功赫赫，今古我雖出家未忘其本。在東都之日，幸得見此圖，不勝追感。因賦一絕以述卑懷，聊供三使大人之

一察伏乞 德政

別宗

駿馬直超騰日，洋三郎功蹟甲。扶桑分明盡
出屏風，上更喜遺名播異方。

別宗大師新得御賜屏風，有源三郎騎
馬渡海圖，師即源氏之裔，追感有詩，余
輒和之。

平泉

英姿畫裡颯餘威，躍馬超溟古所稀。始識君
家前烈在九重，恩賜倍光輝。時正使涉病當
知誤作御賜
正使大人見慰，余追感依韻奉謝。

別宗

昔歲三郎逞武威，日東今古競稱稀。使星幸
賜瓊瑤句，千載鄙宗生瑞輝。

河口奉別陀巖長老，不勝悵黯略構兩
律用替留衣。

平泉

異域新知得老師，東行千里鎮相隨。秋深淀
浦齊搖櫓，雪霽琵琶湖細和詩。今日便成三咲
別，此生寧有再逢期。唯應一片頭陀月，長照
藍溪緬情時。余別業在藍溪，返國後便
欲歸此，故結句及之。
西歸何日可忘師，飛錫征軛憶共隨。鉢石煙





霞移活畫士，晴雪入新詩。浮生聚散渾如夢，來世夤緣豈有期。一曲離歌數杯酒，浪華津上月明時。
鉢石山名日光山八景其一也師向贈八景畫軸故第三句云然

別宗

使相堪稱百世師，此生何幸共追隨。異邦新得金蘭友，行路幾吟錦繡詩。羈旅半年欣莫逆，別離再會苦無期。故園萬里歸休後，月照藍溪高卧時。

一朝相送返京師，別後雲林誰與隨。明月清風三盞酒，青山綠水幾篇詩。幸欣慧遠逢陶令，還恨伯牙負子期。他日回頭白雲外，遙思海口接舟時。

謹構一律留別願神長老

南岡

休言儒釋本殊途，意氣猶將心膽輸。每喜征輶隨錫杖，真如濁水照尼珠。留衣遠別還堪惜，把酒同歡豈更圖。唯有浪華津上月，滄波萬里逐檣烏。

河口舟中走筆奉次從事大人留別韻

別宗

往還萬里共同途，更喜諸君誠意輸。徒筆走龍追晉帖，新詩照坐似隋珠。風閑滄海回舟楫，天霽雪山展畫圖。莫道此生難再會，燕丹曾見白頭烏。

舟到河口停橈楫，別懷緒益覺作戀。復題一絕仰呈頤神道案。

南岡

此地逢君又別君，悠悠聚散等浮雲。臨分未

忍催征櫓一曲離歌怨夕曛

從事南岡大人河口臨別之時復見投
神寶瑤篇一章，忽忙無由操觚，黯然消魂而
已別後不勝依依，夜泊淀浦，挑燈嗣響，
託便奉謝詞案。

別宗

河邊縮柳送諸君，歸艇遙浮鶴背雲。停棹中
流頻叙別，潛然滴淚到斜曛。
留別別宗長光

泛叟

憐君道骨自超倫，水鏡胸中無點塵。何幸追隨東武路，若爲留別浪華津。孤舟獨去雲千里，兩地相思月一輪。分手海門三笑罷，古人心事卽今人。

次泛叟詞伯留別韻

別宗

斑衣孝志邁羣倫，况復英標清絕塵。曉雪灑時齊陟險，暮雲深處欲探津。腰間佩得文章印，心上轉來風雅輪。今夜別離尤耐惜，明朝各作異邦人。

野律一篇奉餞，以酢和尚護送韓使赴

對馬州

別宗

白路雲兼雪，西東路八千。聯鑣江府上，分袂浪華邊。吾返一條杖，師行萬里天。星槎勤護送，和暖作榮旋。

淀河船上思三使，大人不寐所恨臨別。草草不能盡言，因題一絕，遙寄詞案，聊

攄微忱云

時值雨雪

別宗

停橈離別一洲邊，慘感無言淚似泉。雪夜相思明月下，幾回欲棹剡溪船。

海口一別後，不勝瞻戀。因構鄙律一篇，遙寄朝鮮國製述官東郭李君詞案。

別宗

屏箒把手惜分離，身在迢迢天一涯。白雪崩瓊清去路，黃花疊玉記來時。情如巨海深無極，淚似飛流下瀉崖。手折寒梅逢驛使，相思遠寄兩三枝。

室津館奉次別宗長老淀河寄示韻

河口分路至今依，黯黯荒江冷雨只令人消魂。而已滯中忽承瓊琚之惠，可想大師猶有眷係於僕也。謹次惠韻以奉足替他日萬里外面且也。臨發忙欠別幅，愧悚愧悚，惟願益加精進，以示區區。

平泉

萬年山在白雲邊，聞有高僧卓錫泉。暫爲行人煩一出，秋風同上泛湖船。千里相隨絕海邊，愛君詩思湧如泉。當時陸子千金橐，爭似驪珠照客船。

聞君已過淀湖邊，歸卧雲林嗽石泉。行李祇
今猶阻滯室津，風雨繫樓船。
歲色將窮久客邊，故鄉歸夢繞林泉。茫茫海
路何時盡，欲借禪家大願船。

頤神堂道案

靖菴

河口叙別卒卒如夢境，餘懷悵然久而未
已。吟成一絕，無便可將。茲承遠問，復惠瓊
瑤奉翫，以還慰感。交至謹呈，宿構復此。効
顰少抒鄙誠了。

繫當作斬足

長河落日繫，停舟草草傳杯叙。別愁遙憶陀
山寒，夜雪佛燈孤照翠龕幽。
佳人遙隔碧雲邊，每想尼珠照濁泉。多謝禪
心猶住著，慇懃麗藻問歸船。

奉次別宗長老惠寄韻

南岡

別懷至今作戀匪，意忽拚瓊作如獲。受接
清儀何等慰，釋草草一詩謹此和呈。而此
後嗣音亦將未易把毫，只增悒悒而已。
淚洒長河夕照邊，別愁無賴酒如泉。禪家縱

有浮杯術那得相隨萬里船

追次正使大人室津惠示韻四首并引
河口之別倏忽屢夏月簫景慕旌旄何能
假翼茲承瓊報差慰瞻渴因再虞前韻聊
抒幽情只恨海山復隔嗣音無階

別宗

其
寒風繫纜室津邊好遣羈愁汲澗泉別恨未
銷長優受獨嗟萬里不同船

其二

樓聳藍溪花竹邊遠追德裕號平泉太明知
有六箴在他日為吾付返船

大明殿名在朝鮮漢城府

其三

日凝眺望海西邊暮雨朝雲瀉眼泉幾把惠
篇吟不罷追懷河口共方船

其四

經過赤間白石邊客中徒倚弄雲泉鐘聲驚
破北歸夢月落寒山夜半船

追謝副使大人三首并引

別宗

以余心之思閣下知閣下懸懸於余也果
得嘉藻及和篇之惠喜懼參并因繼其聲
且賡前韻用寄區區之煩想

其一

層波假使泛千舟難載分離萬斛愁海路迢
迢歸去後梅窓探句月明幽

其二

聞君已在靛津邊忽逐三元酌酒泉從此東
皇猶布澤春風吹送越溟船

其三

十幅歸帆向遠邊堪愁此別及黃泉殊邦誰
不慕才德文思敏豪下水船

再酬從事大人三首并引

別宗

西東之殊相去萬里寒鴈江魚徒增感歎
寄示之報章珍翫不忍釋手再追次而少
寬憂懸云

其一

雙淚通宵滴枕邊夢中自訝瀉溪泉覺來恍
若對標格吟斷寒江雪裡船

其二

豪氣雄飛牛斗邊，詞鋒凜凜似龍泉。慈恩難
次樂天句，頑鷺依然只刻船。

槎客通筒集卷三終

正德二年壬辰五月穀旦

文臺屋次郎兵衛

儀兵衛

開版

攝州河口船上臨別筆語

慈照小徒 祖沖 祖會 錄

填腔別恨口不能通悠悠此意但在默會只

祝慧日法海百劫無愆正使

惜別恩恩一船離恨何由展乎此地恰是灞

陵不任消魂不慧亦恨語異不能通情惘然

如有所失別宗

願以一杯相別幸勿辭却正使

雖空門元戒酒向存

公命追陪盛宴方今何敢辭哉別宗

別意無窮而行不可駐他時相憶惟望天東
之月色切冀道體永忘正使

切恨公程有期鷓路萬里不得追隨別後
渭樹江雲空馳翹望而已別宗

萬安萬安萬安正使
萬萬所祈錦帆無恙速作榮旋更冀若序珍
攝珍攝別宗

與大師同往還幾多日月云尚未得做從容
一穩此豈千古騷家不當期者哉僕亦有惜
別詩及些少說話即小童無狀持圖書去已

遠未可此待之耶東郭

雖未獲一連床聞絮花論西東萬里相伴唱
酬多篇已滿筐裡不是一日之雅也今臨別
此情何能熱然乎別宗

大師自是千古傑人東郭

杜撰長老褒讚過實愧忸愧忸君是絕世英才
向所索詩文等別後幸勿負約別宗
八景詩曾已寫之所送畫幅而小童覆水浸
淹字畫漫漶不堪見故求它紙書呈罪嘆罪
嘆兩詩稿序文章呈望領納焉東郭



不意今得諸于茲法門光輝何如旃乎感謝
萬萬 別宗

圖書去已遠無心作日後顏面敬具東郭

一分袂後難為再會行色匆忙未由歌南浦

詞切希海路順時珍悫 別宗

大東郭握師手不忍辭去以手挿耳作語言

此不通之勢左右頻勸行不得已而分袖乃

當迴棹噉然發啼師亦涕泣覆面

辛卯臘月十八日

